山庫全幸

史部

大三日百八十 師於崎悔痛自誓孔子録之自古聰明豪傑之主如漢 推官蘇軾上書曰臣聞之益戒于禹曰任賢勿貳去邪 宋神宗熙寧四年殿中丞直史館判官告院權開封府 欽定四庫全書 勿疑仲虺言成湯之德曰用人惟已改過不吝秦穆丧 歴代名臣奏議卷三十七 治道 歷代名臣奏議 明 楊士竒等 撰

甚明猶飢之必食渴之必飲豈有別生義理曲加粉飾 言而足正則用之邪則去之是則行之非則破之此理 所用之人有邪有正所作之事有是有非是非邪正兩 見之更也人皆仰之聖賢舉動明白正直不當如是邪 亡陛下自去歲以來所行新政皆不與治世同道立條 百王之冠也孔子曰君子之過如日月食馬過也人皆 髙帝唐太宗皆以受諫如流改過不憚號為秦漢以來 而能欺天下哉書曰與治同道因不與與亂同事因不

金月四月全書

義居之不疑者孰肯終始勝固不自前洗如吳師孟乞 者豈非物議沸騰事勢迫切而不可止數自非見利忘 欠已日年 在 免提舉胡宗愈不願檢詳如逃垢穢惟恐不脱之人情 本其所與締交唱和表裏之人也然猶不免一言其非 者故相舊潘鎮侍從雜然爭言不便以至臺諫二三人 各自宰相以下皆知其非而不敢争臣愚蠢不識忌諱 延者上疏論之詳矣而學術淺陋不足以感動聖明近 例司遣青苗使斂助役錢行均輸法四海騷動行路怨 歷代名臣奏議

监司體量抑配而己比之未悟所較幾何此孟子所謂 生試其未効之方三路之民豈非陛下赤子而可試以 相慶如家大資實望陛下於旬日之間與發德音洗湯 畏惡一至於此近者中外謹言陛下已有悔悟意道路 乖僻追還使者而罷條例司今者側聽所為蓋不過使 可試之三路臣以為此法譬之醫者之用毒以人之死 取其一帝王改過豈如是哉臣又聞陛下以為此法且 知兄臂之不可給而姑勸以徐知隣雞之不可攘而月

金少四月百十

CITTIE LIKE 士卒雜處其問貶殺軍分有同降配遷徙淮甸僅若流 士此四人者一失其心足以生變今陛下一舉而兼犯 放年近五十人人懷憂而軍始怨矣內則不敢取謀於 行而民始爱矣併省諸軍迎逐老病至使成兵之妻與 毒乎今日之政小用則小敗大用則大敗若力行而不 之青苗助役之法成則農不安均輸之令出則商買不 存亡之所寄者四人而已一日民二曰軍三曰吏四曰 已則亂亡隨之臣非敢過為危論以聳動陛下也自古 歷代名臣奏議

舊恩示不復用所削者一人而已然士莫不恨恨者以 陛下有厭薄其徒之意也今用事者又欲漸消進士純 矣陛下臨軒選士天下謂之龍飛榜而進士一人首削 而專用新青苗使者多置間局以嬪老成而吏始解體 元臣侍從而專用新進小生外則不責成於守令監司 便不能誦記注義為明經之學若法令一行則士各懷 以謂外行而士始失望矣今進士半天下自二十以上 取明經雖未有成法而小人招權自以為功更相扇搖

新好四母全書

Kr. Diet Line 虎翼吏率錢行路以求不併則士卒不樂可知矣夫諂 左右之人皆以為樂併告陛下近者放停軍人李與告 旦有急則致命之士必寡矣方是之時不知希合的容 抱業以歸勝廣相與出力而亡秦者豈有他哉亦以失 之徒能為陛下收板蕩止土崩乎去歲諸軍之始併也 解體而士失望禍亂之源有大於此者乎今未見也一 業而亡所歸也故臣願陛下勿復言此民憂而軍怨吏 廢棄之爱而人材短長終不在此昔秦禁挾書諸生皆 歷代名臣奏議

抑配果可禁乎不惟不可禁通不當禁也何以言之若 義修愿以致太平而近日之事乃有文過遂非之風比 之罰為陛下官吏不亦難乎故臣以為既行青苗使則 比錢放而不收則州縣官吏不免責罰若比錢果不抑 樂請青苗錢樂出助役錢者皆不可信陛下以為青苗 設之人苟務合意不憚欺罔者類皆如此故凡言百姓 配則願請之户後少難收索前有抑配之禁後有失陷 不當禁抑配其勢然也人皆謂陛下聖明神武必能徙

金是四百百十

其黨破壞是以為之計謀遊說者衆也今天下賢者亦 晉氏之亂成於此矣自古惟小人為難去何則去一而 相慶屈指數日以望惟新之化而馮紞之徒更相告語 臣所以愤懑太息而不能已也昔實充用事天下憂恐 率而逝矣豈皆如臣等輩偷安懷禄而不忍去哉猖狂 將以此觀陛下為進退之決或再失望則知幾之士相 曰賈公遠放吾等失勢矣於是相與獻謀而充復留則 而庾統任愷戮力排之及充出鎮秦凉忠臣義士莫不

大江日南 ところう

歷代名臣奏議

金万四年生 之際其言語文章雖不能盡通於聖人而皆卓然近於 信已而不役於人三代之衰學校廢缺聖人之道不明 天下之至言也盖有以一言而與那者有三日言而不 **軾又上策略五其一曰臣聞有意而言意盡而言止者** 不遜忤陛下多矣不敢復望寬恩俯伏引領以待誅殛 輟不以為多而損之一辭古之言者盡意而不求於言 輟者一言而與邦不以為少而加之毫毛三日言而不 而其所以猶賢於後世者士未知有科舉之利故戰國

大三日年十十十二 篇曰略曰别曰斷雖無足取者而臣之區區以為自始 以徇人務為射策決科之學其言雖不叛于聖人而皆 獲自盡故嘗深思極處率其意之所欲言者為二十五 絕之以法度考之於有司臣愚不肖誠恐天下之士不 泛濫於辭章不適於用臣當以為圖董公孫之流皆有 下承百王之弊立於極文之世而以空言取天下之士 科舉之累故言有浮於其意而意有不盡於其言今陛 用出於其意之所謂誠然者自漢以來世之儒者忘己 歷代名臣奏議

邊都不寧是攘之而已也凡此數者其於害民蠢國為 方也天下之患莫大於不知其然而然不知其然而然 而己也權臣專制擅作威福是誅之而己也四夷交侵 終庶幾有益於當世臣聞天下治亂皆有常勢是以天 而行之以至於篇終既明其略而治其別然後斷之於 人民流離是安之而已也亂臣割據四分五裂是伐之 不淺矣然其所以為害者有状是故其所以救之者有 下雖亂而聖人以為無難者其應之有術也水旱盜賊

金分四月白書

欠到日本 惑也今夫醫之治病切脉觀色聽其聲音而知病之所 邊鄙不寧之灾而中國皇皇常有外憂此臣之所以大 之禍而咨嗟怨識常若不安其生非有亂臣割據四分 此其有未測者也方今天下非有水旱盜賊人民流離 者是拱手而待亂也國家無大兵革幾百年矣天下 擅作威福之弊而上下不交君臣不親非有四夷交侵 治平之名而無治平之實有可憂之勢而無可憂之形 五裂之爱而休養生息常若不足於用非有亂臣專制 歷代名臣奏議

由起日此寒也此熱也或日此寒熱之相轉也及其他 之論可以濟世不已缺乎方今之勢苟不能滌蕩振刷 鹊倉公之所以望而驚也其病之所由起者深則其所 動作固無以異於常人此庸醫之所以為無足憂而角 士方且投拾三代之遗文補葺漢唐之故事以為區區 自言則其受病有深而不可測者矣其語言飲食起居 以治之者固非鹵养因循茍且之所能去也而天下之 無不可為者今且有人怳然而不樂問其所苦且不能

銀是四月月書

設定四軍全書 不知動則其塊然者轉腐壞而不能自持況能以御萬 星辰其威為雷霆其澤為雨露皆生於動者也使天而 是以萬物雜然各得其職而不亂其光為日月其文為 息由此觀之天之所以剛健而不屈者以其動而不息 者天也仲尼赞易稱天之德曰天行健君子以自强不 之勞而忘千載之患是以日趨於亡而不自知也夫君 非有暴熱淫虐之行特以怠惰弛廢獨於宴安畏期月 而卓然有所立未見其可也臣當觀西漢之東其君皆 歷代名臣奏樣

年於此矣盖自近歲始柄用二三大臣而天下洗心滌 子之仁聖其欲有所立以為子孫萬世之計至切也特 稷契無如之何故臣獨以人主自斷而欲有所立為先 主欲有所立則智者願効其謀勇者樂致其死縱横頭 物哉尚天子一日赫然會其剛明之威使天下明知 以為發而不中節則天下或受其病當宁而太息者幾 而後論所以為立之要云其二曰天下無事父矣以天 倒無施而不可苟人主不先自斷於中羣臣雖有伊吕

大江日南台 暇竊為執事者不取也昔者大臣之議不為長久之計 家二國 且未動也而吾君吾相終日皇皇馬應接之不 敗而其國不可動其力可屈而其氣不可奪今天下一 不可為也聞之師曰應敵不暇不可以自完自完不暇 慮以聽朝廷之所為然而數年之間卒未有以大慰天 将出師兵交於外而中不失其所以為國是故其兵可 不可以有所立自古創業之君皆有敵國相持之憂命 下之望此其故何也二邊之大憂未去而天下之治終 歷代名臣奏議

其既往之咎不可追之悔也而議者方將課罪當時之 屬不折一矢不遺一鉄走一介之使 馳數乘之傳所過 事之不立四海且不可保而曾千萬之足云哉今者二 之無名而患事之不立今一歲而費千萬是千萬而已 弊盖古之為國者不患有所費而患费之無名不患費 失而不求後日之計亦無益矣臣雖不肖竊論當今之 金少世母白書 騷然居人為之不寧大抵皆有非常之辭無厭之求難 而用最下之策是以歲出金繪數十百萬以啖二國此

欽定四庫全書 <u>歷代名臣奏議</u> 故古之聖人雖有大兵役大與作百官奔走各執其職 所由出天子之所與宰相論道經邦而不知其他者也 之大爱未去則天下之治終不可為也中書者王政之 則中國未知息有之所而況能有所立哉臣故曰二虜 去未數月邊處且復告至矣由此觀之二國之使未絕 非至逸無以待天下之勞非至静無以制天下之動是 塞之請以觀吾之所答於是朝廷恟然大臣會議既而 而中書之務不致於紛紜今者曾不得歲月之暇則夫

者使大夫女女於大夫士女女於士春秋貢獻不絕於 女所以為路者不可勝計既反國而異之百役無不從 越世家觀勾踐困於會稽之上而行成於吳凡金玉子 **誅其所負的一朝發憤傾困倒廪以償之然後更為之** 而議也千金之家从而不治使販夫豎子皆得執券以 禮樂刑政教化之源所以使天下回心而嚮道者何時 簪之資亦足以當何處至於皇皇哉臣皆讀異 竊怪其以蠻夷之國承敗亡之後救死扶傷之

決是四車全書 一 **匮其所以聽役于吳者甚勞而有時也是以本不搖然** 范蠡大夫種二人分國而制之范蠡曰四封之外種不 而滅吳其所以路遺於吳者甚厚而有節也是以財不 封之内蠡不如種使種主之凡四封之内所以强國富 民者蟊不知也二人者各專其能各致其力是以不勞 如蟊使蟊主之凡四封之外所以待異者種不知也四 之患果不在費也彼其內外不相擾是以能有所立使 餘而路遺費耗又不可勝計如此然本以滅其則為國 歷代名臣奏議

ľ

誠以為不足以累中書也今之所以待二國者失在於 大網聽其治要而責成馬耳夫此二者豈少於邊事哉 獄舉歸之廷尉天下之兵舉歸之樞客而宰相特持其 故臣以為治天下不若清中書之務中書之務清則天 過重古者有行人之官掌四方賓客之政當周之威時 天下之大而中書常有邊鄙之憂宜其內治有不辨者 後勾踐得以安意肆志馬而吳國固在其掌中矣今以 下之事不足辨也今夫天下之財與歸之司農天下之

火七日自日子 揖讓之節牲勢委積之數而已至於周衰諸侯争强而 賈誼曰陛下武以臣為屬國請必係單于之頭而制其 為具行人以謀楚而卒以入郢西劉之與有典屬國故 子員子朱曰朱也當御叔向曰秦晉不和久矣今日之 諸侯四朝蠻夷戎狄莫不来享故行人之官治其登降 命伏中行說而答其背舉匈奴之衆惟上所令今若依 行人之職為難且重春秋時蔡聘於晉叔向命名行人 事幸而集秦晉頼之不集三軍暴骨其後楚伍負奔異 歷代名臣奏議

其戰攻守禦之策兼聽博採以周知敵國之虚實凡事 做行人屬國特建一官重任而厚責之使宰相於兩制 關於境外者皆以付之如此則天子與宰相特因其能 使其議不及於朝廷而其間暇則收羅天下之俊才治 **認於二邊者限其常數而豫為之備其餘者朝廷不與** 之中舉其可用者而勿奪其權使大司農以每歲所以 自擇而其非常之解無厭之求難塞之請亦得以自答 知也凡吾所以遣使於邊與吾所以館其使者皆得以

金少日也有意

邊都抗衡本非中國之大患而每以累朝廷是以徘徊 唯所欲為將無不可者其三曰臣聞聖王之治天下使 とこすえ ここう 不相臘也然後天子得優游無為而制其上今也不然 汎汎馬莫任其責今舉一人而授之使日夜思所以待 否而定其熟防其實不亦甚簡數今自宰相以下百官 擾攘卒不能有所立今委任而責成使西北不過為未 天下之事各當其處而不相亂天下之人各安其分而 二國宜無不濟者然後得以安居静慮求天下之大計 歷代名臣奏議

患有立法之弊有任人之失二者疑似而難明此天下 時臣知天下之不足治也請言當今之勢夫天下有二 昔者漢與因秦以為治刑法峻急禮義消亡天下蕩然 咎於人及其用人之失也又從而尤其法法之變未有 誅之寇則中國固吾之中國而有所不可為哉於此之 已也如此則雖至於覆敗死亡相繼而不悟豈足怪哉 之所以亂也當立法之弊也其君必曰吾用某也而天 下不治是某不可用也又從而易之不知法之弊而移

新足四库全書:

アン・コラ シェトラ 為當今之患法今雖有所未安而天下之所以不大治 是以腐儒小生皆欲妄有所變改以惑亂世主臣竊以 制為事後世見二子之論以為聖人治天下凡皆如此 士其進不以道而取之不精也故為之法曰中年而舉 者失在於任人而非法制之罪也國家法令幾變矣天 恐後世無所執守故賈誼董仲舒洛嗟嘆息以立法更 取舊數之半而復明經之科患天下之吏無功而遷取 下之不大治其谷果安在哉曩者大臣之議患天下之 歷代名臣奏議

者欲以此等致天下於大治臣竊以為過矣夫法之於 |髙位而不讓也故為之法曰當遷者有司以聞而自陳 郵足四年全書-者為有罪此二者其名甚美而其實非大有益也而議 人的不至於害民而不可不去者皆不變也故曰失在 不盡其心其失一也古之與王一人而已湯以伊尹武 任人而已夫有人而不用與用而不行其言行其言而 之不能無淫樂也先王知其然故存其大略而付之於 人猶五聲六律之於樂也法之不能無姦猶五聲六律 卷三十七

替天下君不疑其臣功成而無後患是以知無不言言 以太公皆捐天下以與之而後伊吕得捐其一身以經 速天下之亂耳鼂錯之事斷可見矣夫奮不顧一時之 朽於後世者甚於人君顧恐功未及成而有所奪祗以 國士而莫為之用夫賢人君子之欲有所樹立以著不 後世之君始用區區之小數以繩天下之豪俊故雖有 無不行其所欲用雖其親愛可也其所欲誅雖其讎隙 可也使其心無所顧忌故能盡其才而責其成功及至 歷代名臣奏議

たこりを ことり

諠薛以至於逐去曽不旋踵此天下之士所以相戒而 望其成功方其深思遠慮而未有所發也雖天子亦遲 從而發哉慶歷中天子急於求治權用賢者天下日夜 後發苟人主不先自去其不可測而示其可信則彼孰 不敢深言也居今之世而欲納天下於至治非大有所 大也斯固未足與有為而沈毅果敢之士又必有待而 禍決然徒欲以身試人主之威者是亦其所挾者不甚 之至其一旦發憤條天下之利害百未及一二而舉朝

新·近年全書

卷三十七

大と四年上十 苻堅斬樊世逐仇騰點席實而後王猛得以畢其功夫 由與也是故先主拒關張之間而後孔明得以盡其才 須甚急而相合甚難者獨患君不信其臣臣不測其君 飾非務盡其誠凡此者皆庸人之所大惡而讒言之所 天下未嘗無二子之才也而人主思治又如此之動相 振怠惰而不肅苟且偷安而不知長久之計臣以為宜 如諸葛亮之治蜀王猛之治秦使天下悚然人人不敢 矯拂於世俗不可以有成也 何者天下獨患柔弱而不 燈代名臣奏議 大

惜哉其四日天子與執政之大臣既已相得而無疑可 以盡其所懷直已而行道則夫當今之所宜先者莫如 而已矣惟天子一日慨然明告政事之臣所以欲為者 可治歳復一歳而終無以大慰天下之望豈不亦甚可 "庸人之論以開功名之門而後天下可為也治天下 知人主之深知之也而内為之地然後敢有所發於 而不顧不然雖得賢臣十萬一日百變法天下益不 如治水方其奔衝潰決騰湧漂蕩而不可禁止也雖

欠に日南という 其所長角奔而争利惟恐天下一日無事也是以人人 疏其故而納其新使不至於壅閣腐敗而無用嗟夫人 既東且退也駸駸乎若不足以終日故夫善治水者不 欲盡人力之所至以求殺其尺寸之勢而不可得及其 各盡其材雖不肖者亦自淬厲而不至於怠廢故其勇 惟有難殺之憂而又有易衰之患尊之有方決之有漸 舟楫灌溉之利哉夫天下之未平英雄豪傑之士務以 知江河之有水患也而以為沼沚之可以無憂是烏知 歷代名臣奏議 土

是以紀綱日壞而不自知此其為患宣特英雄豪傑 能者不自激發而無以見其能不能者益以弛廢而無 士超超而已哉聖人則不然當其久安於逸樂也則以 用當是之時人君欲有所為而左右前後皆無足使者 者相吞智者相賊使天下不安其生為天下者知夫人 之人不過數十年天下靡然無復往時之喜事也於是 削去其具抑遠天下剛健好名之士而與用柔懦謹畏 亂之本起於智勇之士争利而無厭是故天下既平則 卷三十七

銀月四月全書

次主口事 全日 夫庸人之論有二其上之人務為宽深不測之量而下 其榮辱之等使之踢躍奔走皆為我役而不自知夫是 臣故曰破庸人之論開功名之門而後天下可為也今 與共天下哉今者治平之日久矣天下之患正在於此 術起之使天下之心翹翹然常自喜於為善是故能安 以坐而收其功也如使天下皆欲不為而得則天子誰 不為夫使天下皆為而已不為者開其利害之端而辨 而不衰且夫人君之所恃以為天下者天下皆為而己

後有問而可入有問而可入然後智者得為之謀才者 之君子必日譽之不勘非之不沮聞善不喜見惡不怒 盖非以隔絕上下之情養尊而自安也譽之則勸非之 之言而獵取其近似者以自解說其無能而已矣夫寬 之士好言中庸之道此二者皆庸人相與議論舉先賢 掛以為不測之量不已過乎夫有勘有且有喜有怒然 深不測之量古人所以臨大事而不亂有以鎮世之躁 則沮聞善則喜見惡則怒此三代聖人之所共也而後 卷三十七 たとのほとう 中庸矣此孔子孟子之所謂鄉原也一鄉皆稱原人馬 也欲得在者而見之在者又不可見欲得捐者而見之 中庸而非故曰德之賊也孔子孟軻惡鄉原之賊夫德 為踽踽凉凉生斯世也為斯世也善斯可也謂其近於 得為之用後之君子務為無間夫天下孰能入之古之 無所往而不為原人同乎流俗合乎汙世曰古之人何 也後之所謂中庸者循循然為泉人之所能為斯以為 所謂中庸者盡萬物之理而不過故亦曰皇極夫極盡

歷代名臣奏議

思之所從受中庸者也孟子子思所授以中庸者然皆 者稍者而皆取於鄉原是以若此靡靡不立也孔子子 欲得狂者稍者而與之然則率勵天下而作其怠惰莫 聞天子者以其一身寄之乎巍巍之上以其一心運之 而後天下可為也其五曰其次莫若深結天下之心臣 如狂者稍者之賢也臣故曰破庸人之論開功名之門 曰狂者進取指者有所不為也今日之患惟不取於狂 乎茫茫之中安而為泰山危而為累卵其間不容毫釐

金月四月五十二

其所居者天下之至危也天子恃公卿以有其天下公 實不恃其有不可拔之勢而恃其有不忍叛之心何則 臣之數去已久矣適會其變是以一散而不可復次方 去尚安得而用之哉古之失天下皆非一日之故其君 居無事猶有以相制一旦有急是皆行道之人掉臂而 是故古之聖王不恃其有可畏之資而恃其有可爱之 心而欲羈之以區區之名控之以不足恃之勢者其平 卿大夫士以至於民轉相屬也以有其富貴的不得其 姓代名臣奏湯

施其才而愚者亦有所容其不肖舉天下之事聽其自 然南面以臨其臣曰天何言哉百官俯首就位敛足而 其未也天子甚尊大夫士甚賤奔走萬里無敢後先嚴 多定四年全書 二 退兢兢惟恐有罪群臣相率為人安之計賢者既無所 用此術以至於顛沛而不悟豈不悲哉天下者器也天 其患雖欲分國以與人而且不及矣秦二世唐德宗盖 為而已及乎事出於非常變起於不測視天下莫與同 子者有此器者也器人不用而置諸篋笥則器與人不 を三十七

して ラシーニト 未也而五載一巡行朝諸侯於方岳之下觀見其老者 大事自庶人以上皆得至於外朝以盡其詞然循以為 習知其手手與器相信而不相疑夫是故所為成也天 之歡歲時月朔致民讀法飲酒蜡臘以遂萬民之情有 属其百官撫摩其人民為之朝聘會同点饗以交諸侯 懼其一旦至於扞格而難操也昔之有天下者日夜淬 相習是以扞格而難操良工者使手習知其器而器亦 下之患非經營禍亂之足憂而養安無事之可畏何者 歷代名臣奏議

至後世壞先王之法安於逸樂而惡聞其過是以養尊 將以馴致服習天下之心使不至於扞格而難操也及 野士大夫以周知其天下風俗凡此者非為尚勞而己 雄豪傑已議其後臣當觀西漢之初高祖創業之際事 老生腐儒又出而為之說曰天子不可以妄有言也史 而自高務為深嚴使天下拱手以貌相承而心不服其 則偶人矣天下之心既去而怅怅然抱其空器不知英 且書之後世且以為譏使其君臣相顧而不相知如此

多定四年全書

卷三十七

欽定四庫全書 才之短長彼其視天下如一身尚有疾痛其手足不期 将相皆有握手之數凡在朝廷者皆當試齊吸以知其 息莫敢或争此其故何也創業之君出於布衣其大臣 漢傳十數世矣而至於元成哀平四夷響風兵革不試 信之徒角馳於中原此六七公者皆以絕人之姿據有 變之與亦已繁矣而高祖以項氏創殘之餘而又與布 土地甲兵之衆其勢足以亂然天下終以不搖卒授於 而王莽一豎子乃舉而移之不用寸兵尺鐵而天下屏 主

皆得從容終日數如平生下至士庶人亦得以自效故 我太祖太宗既有天下法令簡約不為崖岸當時將相 務至誠點虚名而求實效不愛馬位重禄以致山林之 禮節繁多而君臣之義薄是故不為近憂而常為遂患 士而欲聞切直不隱之言者凡皆以通上下之情也昔 及其一旦固己不可救矣聖人知其然是以去肯禮而 深宮之中而任於富貴之勢尊果闊絕而上下之情疎 而自殺當此之時雖有近憂而無後患及其子孫生於 次定四年全十 皆當問其所以為政民情風俗之所安亦以揣知其才 恃以為治者宜日夜名論天下之大計且以熟觀其為 之所堪其三日左右扈從侍讀侍講之臣本以論説古 之氣故陳其五事以備採擇其一曰將相之臣天子所 人其二曰太守刺史天子所寄以遠方之民者其罷歸 人之深者此英主之奇術御天下之大權也方今治平 之日外兵愚以為宜日新威德以鼓動天下外安怠惰 天下誦其言至今非有文采緣飾而開心見誠有以入

姓代名臣奏議

通於上而不修飾使天下習知天子樂善親賢恤民之 遠方之賤吏亦務自激發為善不以位甲禄薄無由自 不可哉察其善者卒然召見之使不知其所從來如此則 已上雖其至賤無以自通於朝廷然人主之為豈有所 名問優慰以養其敢言之氣其五曰天下之吏自一命 心孜孜不倦如此翁然皆有所感發知愛於君而不可 以訪之無傷也其四曰吏民上書茍少有可觀者宜皆 今與衰之大要非以應故事備數而已經籍之外尚有 卷三十七 少八三日日上日日 旅課百官者其別有六一曰厲法禁告者聖人制為刑 賞知天下之樂乎賞而畏乎刑也是故施其所樂者自 十七一曰課百官二曰安萬民三曰厚貨財四曰訓兵 事之利害計之得失臣請得列而言之盖其總四其別 下而上民有一介之善不終朝而賞隨之是以下之為 末嚮之所論者當今之所宜先而為治之大凡也若夫 大愧天下之心馬耳 策别曰臣聞為治有先後有本 與為不善亦将賢人衆多而姦吏衰少刑法之外有以 盂

之心故其刑罰至於措而不用周之衰也商鞅韓非峻 借以徇天下也舜誅四凶而天下服何也此四族者天 站夫天下之所謂權豪貴顯而難令者此乃聖人之所 善者亦足以知其無有不罰也詩曰剛亦不吐柔亦不 善者足以知其無有不賞也施其所畏者自上而下公 刑酷法以督責天下然其所以為得者用法始於貴戚 下之大族也夫惟聖人為能擊天下之大族以服小民 卿大臣有毫髮之罪不終朝而罰隨之是以上之為不

善非特簿書米鹽出入之間也其位愈尊則其所害愈 大いりき から 夫或冒行之何者其心有所不服也今夫大吏之為不 贖則至於嬰木索受笞箠此亦天下之至辱也而士大 州縣之吏受財而醫獄其罪至於除名而其官不足以 同類而棄之法禁之不行姦充之不止由此其故也今 非之刑法非舜之刑而所以用刑者舜之術也後之庸 大臣而後及於跡賤故能以其國霸由此觀之商鞅韓 人不深原其本末而很以舜之用刑之衔與商鞅韓非 歷代名臣奏議 葚

大吏犯之不至於可畏其故何也天下之議者曰古者 小吏用法如此宜其天下之不心服也用法而不服其 而罰不傷其毫毛鹵养於公卿之間而織悉於州縣之 官之所减者至於罰金盖無幾矣夫過惡暴者于天下 力而排之又幸而不為上下之所柳以遂成其罪則其 心雖刀鋸斧鉞猶將有所不避而況於木索笞筆哉方 大其權愈重則其下愈不敢言幸而有不畏强禦之士 今法令至繁觀其所以防姦之具一舉足且入其中而

我疑而不忍欺也前幸其不疑而輕犯法則固己不容 I I.L. 約束愈寬而大臣益以畏法何者其心以為人君之不 以約束之者愈寬待之至輕故其所以限防之者甚宏 於誅矣故夫大夫以上有罪不從於訊鞫論報如士庶 夫所貴乎大臣者惟不待約束而後免於罪戾也是故 卿大臣至重而待其士庶人至輕也責之至重故其所 夫者豈曰大夫以上有罪而不刑數古之人君責其公 歷代名臣奏議

之制刑不上大夫大臣不可以法加也嗟夫刑不上大

金 是四年全書 其有罪而特免其罰則何以令天下今夫大臣有不法 新之塗而今之卿大夫有罪亦得以首免是以盗賊小 爵減耶夫律有罪而得以首免者所以開盜賊小人自 以重責之也奈何其與士庶人較罪之輕重而又以其 館問之臣出為郡縣者則遂罷去此真聖人之意欲有 以上其滋官臨民的有罪皆書於其所謂歷者而至於 人之法斯以為刑不上大夫而已矣天下之吏自一命 人待之數天下惟其無罪也是以罰不可得而加如知

宣容有比暧昧而不決故曰属法禁自大臣始則小臣 The state of the s 奪之彼雖有言者不足畏也天下有可畏者賦斂不可 爵禄出乎我者也我以為可予而予之我以為可奪而 是故仕不可以輕得而貴不可以易致此非有所各也 欲贵如從其欲則舉天下皆贵而後可惟其不可從也 不犯矣其二曰抑僥倖夫所貴乎人君者子奪自我而 或者既以舉之而詔曰勿推此何為者也聖人為天下 不牽於東人之論也天下之學者莫不欲仕仕者莫不 歷代名臣奏議

一點者以為不可是烏足郵哉國家自近歲以来東多而 之日淺而間居之日長以其益官之所得而為間居仰 者又一人是一官而有二人者無事而食也且其強官 關少率一官而三人共之居者一人去者一人而伺之 致天下之安危而可畏者也我欲慎爵賞愛名器而點 之用人者取之至寬而用之至狹取之至寬故賢者不 給之資是以貪吏常多而不可禁此用人之大弊也古

以不均刑罰不可以不平守令不可以不擇此誠足以

江田母子言

然後爵之位定然後禄之然則是取之者未必用也今 隔用之至狹故不肖者無所容記曰司馬辨論官材論 終身進退之決在乎召見改官之日此尤不可以不爱 战固将有所廢置馬且國家取人有制策有進士有明 進士之賢者以告于王而定其論論定然後官之任官 惜慎重者也今之議者不過回多其資考而責之以舉 經有諸科有任子有府史雜流凡此者雖眾無害也其 之進士自二人以下者皆試官夫武之者豈一官之謂

制使天下可以歲月必得甚可惜也方今之便其若使 官之數且彼有勉强而已資考既足而舉官之數亦以 子廢置度天下之吏每歲以物故罪免者幾人而增損 参之以其才器之優劣而定其等歲終而奏之以詔天 近舉官之衆寡以次第其名然後使一二大臣雜治之 吏六考以上皆得以名聞於吏部吏部以其資考之遠 與臣竊以為今之患正在於任文太過是以為一定之 及格則将執文墨以取必於我雖千百為輩莫敢不盡

欽定四庫全書 /

惟有司之信也是故有司得以搜羅天下之賢俊而習 以才之優劣為差則是好惡之私有以格之也臣以為 賢不肖之間而無有一定之制則天下之吏不敢有必 其數以所奏之等補之及數而止使其子奪亦雜出於 人昔者唐有天下舉進士者羣至於有司之門唐之制 之大弊者将不勞而自去然而議者必曰法不一定而 得之心將自奮勵磨淬以求聞于時而向之所謂用人 不然夫法者本以存其犬綱而其出入變化固將付之於 **延代名臣奏議**

察不能無謁謁而以見省使遠方之賤吏不知朝廷之 朝廷清明而天下治平者何也天下不訴而無冤不謁 臣亦未知其果不可以為姦也其三曰決壅敵所貴乎 曰任法而不任人天下之人必不可信則夫一定之制 斯為威今以名聞於吏部者每歲不過數十百人使一 知其為人至於一日之試則固己不取也唐之得人 而得其所欲此堯舜之威也其次不能無訴訴而必見 二大臣得以訪問恭考其才雖有失者盖己寡矣如必

欽定匹庫全書

卷三十七

飲定四車全書 相通為一叩之而必聞觸之而必應夫是以天下可使 為一身天子之貴士民之賤可使相愛憂患可使同緩 天下亦如此而已百官之衆四海之廣使其關節脉理 於心者至熟是故不侍使令而率然以自至聖人之治 聽之心哉心之所以素愛其身者至深而手之所素聽 其甚微不足以為患而手隨至夫手之至豈其一一而 人之身有一心兩手而已疾痛苛養動於百體之中雖 髙而一介之小民不識官府之難而後天下治今夫一

於天有不得已而謁其所欲如謁之於鬼神公卿大臣 所當得而無疑者莫不務為留滞以待請屬舉夫下 急可使救今也不然天下有不幸而許其所冤如訴之 用之不密使吏得以空虚無據之法而絕天下故小 而夕得徒手而來者終年而不獲至於故常之事人之 得以無法為姦今也法令明具而用之至宏舉天下 毫之事非金錢無以行之昔者漢唐之弊患法不明而 不能究其詳悉而付之於胥吏故凡賄賂先至者朝請 卷三十七 次定四年全十二 至暮而符下及出關郡縣皆已被符其令行禁止而無 為煩盖史之所記麻思還真州請於猛猛曰束裝行矣 不求有司王猛之治秦事至織悉莫不盡舉而人不以 也昔桓文之霸百官承職不待教令而辨四方之實至 則新故相仍紛然而不決此王化之所以壅遏而不行 天下所為多事者豈事之誠多耶吏欲有所鬻而未得 者雖有所乖戾而可借法以為解故小人以法為姦今 法之從所欲排者有小不如法而可指以為瑕所欲與 歷代名臣奏議

司天下之事分于百官而中書聽其治要郡縣之錢幣 之事關於其中訴者之多而謁者之衆莫如中書與三 事莫如任人属精莫如自上率之今之所謂至繁天下 官不勤故權在胥吏欲去其弊也莫如省事而属精省 長吏心知而不問以為當然此其弊有二而已事繁而 王兵强國富垂及升平者猛之所為固宜其然也今天 留事者至於織悉莫不皆然苻堅以戎狄之種至為霸 下治安大吏奉法而不敢顧私而府史之屬招權鬻法

於終晨與而晏罷天子未退則宰相不敢歸安於私第 事之積者不可勝數矣欲事之無繁則必勞於始而逸 給以少而言之一日而廢一事一月則可知也一歲則 治辨色而视朝茍少安馬而至於日出則終日為之不 任轉運使也故曰省事莫如任人古之聖王爱日以求 司也三司之吏推析廳虚至于毫毛以絕郡縣則是不 中書不待奏課以定其點防而關領其事則是不任有 制於轉運使而三司受其會計此宜若不至於繁多然 もじいられんな

使夫吏之與民猶工人之 臣故曰属精莫如自上率之則壅蔽決矣其四曰專任 文王之日是而論始皇之量書此何以率天下之怠耶 於先王而議者不稱王李之晏朝而稱舜之無為不論 宰相日是而不退則百官莫不震悚盡力於王事而不 敢宴将如此則纖悉隱微莫不舉矣天子求治之勤過 | 酷而不相得是故雖有長材異能之士朝夕而去則 如庸人之久且便也自漢至今言吏治者皆推孝 操器易器而操之其始其不

欽定四庫全書

1.1.1. .. 1.1. 吏惟其病多而未有以處也是以擾擾在此如使五六 遷吏不為長遠之計則其所施設一切出于的簡此天 之時以為任人不可以倉卒而責其成效又其三歲一 之所由始也四方之街兩河之交舟車商賈之所聚金 之弊有甚不可者夫京兆府天下之所觀望而化王政 將減任子清冗官則其行之當有所待而臣以為當今 年或七八年而後遷則將有十年不得調者矣朝廷方 下之士争以為言而臣知其未可以卒行也夫天下之 壁代名臣奏議 圭

持詞而求訴者肩相摩乎其門憧憧馬不知其為誰一 數為終身之能以府史賤更為鄉黨之榮故其民不知 所移貨利之所眰故其民不知有恭儉廉退之風以書 惡薄未始不由此也今夫為京兆者戴星而出見燭而 者益以苟且而不暇及於教化四方觀之使風俗日以 有儒學講習之賢夫是以徵訟繁滋而姦不可止為治 玉錦繡之所積故其民不知有耕稼織紝之勞富貴之 銀定四年全書: 入案牘笞鑵交乎其前拱手而待命者足相躡乎其庭

段定四軍全書 者以數十百人其耳目足以及吾之所不及是以能者 四方之有求者聚乎其家天下之大弊無過此二者臣 也其財賦之出入簿書之交錯縱横變化足以為姦而 無罪之實如此則刑之不服赦之不悛欲訟之繁未有 訊而去得罪者不知其得罪之由而無罪者亦不知其 不過粗知其大綱而不能者惟吏之聽賄賂交乎其門 不可推究上之人不能盡知而付之吏吏分職乎其中 已也夫大司農者天下之所以贏虚外計之所從受命 歷代名臣奏議 富

有功而權為兩府然則是為省府者能與不能皆不得 長遠之計者則其效不可以朝夕見其始若迂闊于其 皆不精不久之故何則天下之賢者不可以多得而賢 竊以為省府之重其擇人宜精其任人宜久凡今之弊 為者不待其成而去之而其愈然見稱于人者又以為 者之中求其治繁者又不可以人人而能也幸而有 終以将有所可觀今期月不報政則朝廷以為是無能 人馬又不久而去夫世之君子尚有志於天下而欲為

去之而其人亦莫不汲汲而求去夫吏胥者皆老于其 大三日南江下 而不遷至于省府亦不可以倉卒而去吏知其人居而 用人者知其父勞於位則時有賜予勘奨之以厲其心 之位不為甲矣皆有能者而老于此不為不用矣古之 此其相視如客主之勢宜其姦弊不可得而去也省府 局長子孫於其中以汲汲求去之人而御長子孫之吏 不聞其驟遷以奪其成効今天下之吏縱未能一緊久 歷代名臣奏議

从也夫以省府之繁終歲不得休息朝廷既以汲汲而

能者將以深責乎人之所能也後之立法者異於是責 懲而決去之由此而言則聖人之所以不責人之所不 周旋于其間不過十年將必有卓然可觀者也其五曰 不能者不至于犯法夫如此而循有犯者然後可以深 所能也天下有能為衆人之所不能者固無以加矣而 無責難無責難者將有所深責也昔者聖人之立法使 不去也則其欺詐固已少衰矣而其人亦得深思熟慮 人可以過而不可以不及何則其所求於人者東人之

金岩四月白書

卷三十七

トノ・ニー・・ ニ・ト・ 循不可保況於十數年之後其幼者已壯其壯者已老 且夫人之難知自竟舜病之矣今日為善而明日為惡 長吏任之他日有敗事則以連坐其過惡重者其罰均 故使長吏舉之又恐其舉之以私而不得其人也故使 捨之則其取必得今夫天下之吏不可以人人而知也 有所取必有所捨有所禁必有所寬寬之則其禁必止 行而其事不立夫事不可以兩立也聖人知其然是故 人以其所不能而其所能者不深責也是以其法不可 旺代名臣奏議

猛其能與不能不可謂不知也今且有人牧牛羊者而 者察其獨郡者也比三者其獨無幾耳其貪其廉其宽 見其廉謹勤幹之即則其勢不可以不舉彼又安知其 致定匹库全書· 終身之所為哉故曰今之法責人以其所不能者謂此 仕而未得志也莫不勉强為善以求舉惟其既已改官 而無憂是故蕩然無所不至方其在州縣之中長吏親 而猶執其一時之言使同被其罪不已過乎天下之人 縣之長察一縣之屬一郡之長察一郡之屬職司 卷三十七

している といとい 身任之居官者莫不愛其同類等夷之人故其樹根牢 今之世所以重發贓吏者何也夫吏之貪者其始必許 縣各察其屬此非人之所不能而罰之甚輕亦可怪也 棄以求舉 舉者皆王公貴人其下者亦卿大夫之列以 者又以不坐夫失察天下之做罪也職司察其屬郡郡 不即以聞他日有以告者則其長不過為失察而去官 則此固可以罷免而無足惜者今其屬官有罪而其長 不知其肥瘠是可復以為牧人歟夫為長而屬之不知 歷代名臣奏議

其六曰無沮善昔者先王之為天下必使天下欣欣然 之臣知貪吏小人無容足之地又何必於舉官馬艱之 如之何終不能逆知終身之廉者而後舉特推之于幸 司守令今使舉官與所舉之罪均縱又加之舉官亦無 質却良民以求苟免耳為法之弊至於如此亦可變矣 如臣之策以職司守令之罪罪舉官以舉官之罪罪職 固而不可動連坐者常六七人甚者十餘人此如盜賊 不幸而已苟以其罪罪職司守令彼其勢誠有以督察

銀定四年全書

其才之不逮力之不足是以終不能至於其間而非聖 之遠方終身不齒此非獨不仁也以為既已絕之彼將 之也天下尚有甚惡而不可忍也聖人既已絕之則屏 莫不奔走於善至於老死而不知休息此聖人以行驅 人塞其門絕其塗也夫然故一介之賤吏問問之匹夫 位重禄以待能者使天下皆得踴躍自奮扳接而來惟 人則其為惡也甚毒而不可解是以聖人畏之設為萬 常有無窮之心力行不倦而無自棄之意夫惟自棄之

欠近日東白書

歷代名臣奏議

世之賢者何常之有或出于賈豎賤人甚者至於盗賊 往往而是而儒生贵族世之所望為君子者或至於放 其具也無所望而為善無所愛惜而不為惡者天下一 絕既已絕之又復用之則是驅之於不善而又假之以 人而求其不為惡又付之以人民則天下知其不可也 人而已矣以無所望之人而責其為善以無所爱惜之 一旦肆其毒以殘害吾民是故絕之則不用用之則不 不軋小民之所不若聖人知其然是故不逆定於其

金巧以及白書

髙第皆以一日之間而決取終身之富貴此雖一時之 用人以必得而絶人以必不可得此其意以為進賢而退 始進之時而徐觀其所試之効使天下無必得之心亦 とこり 見たれる 以自慰其心久而不懈嗟夫聖人之所以鼓舞天下之 於功名而不敢僥倖知其不至於必不可得也然後有 無必不可得之道天下知其不可以必得也然後勉强 不肖然天下之弊莫甚於此今夫制策之及等進士之 人日化而不自知者此其為術數後之為政者則不然 歷代名臣奏議 弄九

早也而限其所至則其中雖有出羣之才終不得盡於 肆意妄行而無所顧惜此其初未必小人也不幸而陷 用則其他犯法皆可使竭力為善以自贖而今世之法 知其不可關也是故嚴人則補以外官以其所從來之 于其中途窮而無所入則遂以自棄府史賤吏為國者 有用人而絕之者三州縣之吏茍非有大過而不可復 一陷於罪矣則終身不遷使之不自聊賴而疾視其民

文而未知其臨事之能否則其用之不已大遽乎天下

銀片四年全書-

长三十七

次定四年年十二 則宜有以少假之也入貨而仕者皆得補郡縣之吏彼 敦教化夫聖人之於天下所恃以為牢固不拔者在平 笞戮辱而不足以禁其貪故夫此二者尚不可以遂棄 之則不絕此三者之謂也 安萬民者其別有六一日 可以遷也則是用之之過而已臣故曰絕之則不用用 知其終不得遷亦將逞其一時之欲無所不至此誠 而至矣則將惟富之水此其勢然也如是則雖至於鞭 士大夫之列夫人出身而仕者将以求贵也贵不可得 歷代名臣奏議

世其民見利而忘義見危而不能授命法禁之所不及 與叛此三代之所以享國長人而不拔也及至秦漢之 故有所不為夫民之有所不為則天下不可以敵甲 見危而授命見利而不忘義此非必有爵賞勘乎其前 則巧偽變詐無所不為疾視其長上而幸其災因之以 不可以威利禄不可以誘可殺可辱可飢可寒而不可 天下之民可與為善而不可與為惡也告者三代之民 而刑罰懲乎其後也其心安於為善而忸怩于不義是

金りし

及至後世教化之道衰而盡廢其具是以若此無耻也 欠己の自己的 之過也臣愚以為若此者皆好古而無術知有教化而 然世之儒者盖亦當以此等教天下之民矣而卒以無 不知名實之所存者也實者所以信其名而名者所 效使民好文而益偷節詐而相高則有之矣此亦儒者 也學校之制射鄉之節冠昏丧祭之禮粲然莫不有法 儒者常有言曰三代之時其所以教民之具甚詳且密 水旱加之以盗贼則天下枵然無復天子之民矣世之 歷代名臣奏議

義如此則其教化天下之實固己立矣天下聳然皆有 一貫不長凡今儒者之所論皆其名也昔武王既克商散 忠信廉耻之心然後文之以禮樂教之以學校觀之以 封先聖之後使天下知其仁誅飛廉惡來使天下知其 財發栗使天下知其不貪禮下賢俊使天下知其不驕 求其實也有名而無實則其名不行有實而無名則其 自得也及至秦漢之世專用法吏以督责其民至于今 射而謹之以冠昏喪祭民是以目擊而心谕安行而

金少世是白雪

卷三十七

欽定四軍全書 一 姓代名臣奏議 民不知信則不可與久居於安民不知義則不可與同 一代之禮所謂名者而絕之彼見其登降揖讓盤辟俯隻 不至天下之所以無變者幸也欲民之知信則莫若務 處於危平居則欺其吏而有急則叛其君此教化之實 為宜先其實而後其名擇其近於人情者而先之今夫 之容則掩口而竊笑聞鐘鼓管磬希夷單緩之音則端 顧而不樂如此而欲望其遷善遠罪不己難乎臣愚以 千有餘年而民日以貪冒嗜利而無耻儒者乃始以三 罕

置以明其不貪何者小民不知其說而惟貪之知今雞 寶元以来諸道以兵與為辭而增賦者至今皆不為除 實其言欲民之知義則莫若務去其貪往者河西用兵 尊者為其特於四海之富而不争於錐刀之末也其與 去夫如是将何以禁小民之詐欺哉夫所貴乎縣官之 而家人子弟皆籍以為軍其始也官告以權時之宜非 民也優其取利也緩古之聖人不得已而取則時有所 久後者如是當復爾業少馬皆刺其額無一人得免自

次定四軍全書-求利太廣而用法太密故民日趨於貪臣愚以為難行 常數而以羨息為能天地之間尚可以取者莫不有禁 鳴而起百工雜作匹夫入市操挟尺寸吏且隨而稅之 之言當有所必行而可取之利當有所不取以教民信 設官者求以勝民賦斂有常限而以先期為賢出納有 多於得也其二日勸親睦夫民相與親睦者王道之 而示之義若曰國用不足而未可以行則臣恐其失之 扼吭科背以收線毫之利古之設官者求以裕民今之 歷代名臣奏議 里

微繁天下無事則務為欺詐相傾以自成天下有變則 於之心而為隣里告託之俗富人于肚則出居貧人子 急相明有喜相爱死丧相恤疾病相養是故其民安居 無事則往來數於而微訟不生有寇而戰則同心併力 心紛紛乎散亂而不相屬是以禮讓之風息而争關之 壯則出贅(而緩急不離自秦漢以來法令峻急使民離其親爱歡 也告三代之制畫為井田使其比問族黨各相親愛有 一國之俗而家各有法一家之法而人各有

復古之小宗以收天下不相親屬之心古者有大宗有 莫尚於此矣今欲教民和親則其道必始于宗族臣欲 火之日年 上一一 歷代名臣奏議 則其所賴以生者重而不忍以其身輕犯法三代之政 政不行欲民之爱其身則莫若使其父子親兄弟和妻 流徙海散相棄以自存嗟夫秦漢以下天下何其多故 子相好夫民仰以事父母旁以睦兄弟而俯以即妻子 小宗故禮曰别子為祖繼別為宗繼禰者為小宗有百 而難治也此無他民不爱其身則輕犯法輕犯法則王 四十四

世之外則無服其繼禰者親兄弟為之服其繼祖者從 族人宗之雖百世而宗子死則為之服齊衰九月故曰 宗其繼別子之所自出者百世不遷者也別子之無子 又不得禰别子而自使其嫡子為後則為小宗小宗五 始有家者不敢禰其父而自使其嫡子後之則為大宗 祖者五世則遷者也古者諸侯之子弟異姓之卿大夫 金グロオイコー 也宗其繼別子之所自出者百世不遷者也宗其繼高 世不遷之宗有五世則遷之宗百世不遷者別子之後

欠色日首人生 其可以收合天下之親者有小宗之法存而其之行此 窮自秦漢以來天下無世卿大宗之法不可以復立而 繼高祖者有繼曾祖者有繼祖者有繼禰者與大宗為 則易宗故曰宗其繼髙祖者五世則遷者也小宗四有 者三從兄弟為之服其服大功九月而高祖以外親盡 五此所謂五宗也古者立宗之道嫡子繼為宗則其無 兄弟為之服其繼曾祖者再從兄弟為之服其繼高祖 子之嫡子又各為其庶子之宗其法止於四而其實無 歷代名臣奏議 置

貴不敢以加之冠昏必告喪差必赴此非有所難行也 金少口 忘其祖也故莫若復小宗使族人相率而尊其宗子宗 族而無宗則族不可合族不可合則雖欲親之而無由 子死則為之加服犯之則以其服坐貧賤不敢輕而富 君子之後所以不能世其家如古之人遠者其族散而 甚可惜也今夫天下所以不重族者有族而無宗也有 今夫良民之家士大夫之族亦未必無孝悌相親之心 也族人而不相親則忘其祖矣今世之公卿大臣賢人 人と

法近於迂濶而行之期月則望其有益故夫小宗之法 大とり事人的! 柔而易治其必自小宗始矣其三曰均户口夫中國之 有親未盡而不相往來冠昏不相告死不相赴而無知 地足以食中國之民有餘也而民常病於不足何哉地 非行之難而在乎从而不怠也天下之民欲其忠厚和 興乎嗚呼世人之患在於不務遠見古之聖人合族之 之民遂至於父子異居而兄弟相訟然則王道何從而 而族無宗子莫為之糾率其勢不得相親是以世之人 歷代名臣奏議 四大

有餘之外是故天下常有遺利而民用不足昔者三代 萬夫之地山陵林麓川澤溝瀆城郭宫室塗巷三分去 之制度地以居民民各以其夫家之衆寡而受田于官 内地方千里者九而京师居其一有田百同而為九百 多得一介之民故其民均而地有餘當周之時四海之 無變遷而民有聚散聚則争於不足之中而散則棄於 一夫而百畝民不可以多得尺寸之地而地亦不可以 一為六百萬夫之地又以上中下田三等而通之以再 人と言い 一次 七四年全十一 歴代名臣奏議 轉徒無常惟其所樂則聚以成市側肩躡踵以争尋常 千三萬四千有餘夫地以十倍而民居其一故穀常有餘 之則是二千七百萬夫之地也而計之以下農夫一夫 挈妻負子以分升合雖有豐年而民無餘蓄一遇水旱 其中當成康刑措之後其民極威之時九州之籍不過 之地而食五人則是萬有三千五百萬人可以仰給於 而地力不耗何者均之有街也自井田廢而天下之民

易為率則王畿之内足以食三百萬夫之衆以九州言

為子孫百年之計惟其百工技藝游手浮食之民然後 也儿人之情怠於父安而謹於新集水旱之後盗賊之 為農者莫不重遷其墳墓廬含桑麻果疏牛羊耒耜皆 加多也盖亦不得均民之街而已夫民之不均其弊有 則弱者轉於溝壑而强者聚為盜賊地非不足而民非 二上之人賤農而貴末忽故而重新則民不均夫民之 以懷輕資而極其所往是故上之人賤農而貴未則 《釋其耒耜而将於四方擇其所樂而居之其弊

火之与事全事 多而益寡則怨謗之門盗賊之端必起於此未享其利 故而重新則其民稍稍引去聚於其所重之地以至於 其外安而無變者則不肯無故而加即是故上之人忽 之餘則其不輕刑罰薄稅致省力役以懷連逃之民而 而先被其害臣愚以為民之情莫不懷土而重去惟士 必因時之勢故易為力今欲無故而遷徙安居之民分 衆多而不能容其弊二也臣欲去其二弊而開其二 以均斯民昔者聖人之與作也必因人之情故易為功 歷代名臣奏議

樂徒者而使所過虞之費不甚厚而民樂行此所謂因 吏二千石皆從諸陵今之計可使天下之吏仕至某者 金り口ろと **歲成而豐也則必有飢饉流亡之所民方其困急時父** 皆徒荆襄唐鄧許汝陳蔡之問今士大夫無不樂居於 大夫出身而仕者独於遷徙之樂而忘其鄉昔漢之制 于且不能相顧又安知去鄉之為戚哉當此之時募其 此者顧恐獨往而不能濟彼見其儕類等夷之人莫不 在馬則其去惟恐後耳此所謂因人之情夫天下不能

然後可以固其意夫如是天下之民其庶乎有息肩之 時之勢然此二者皆授其田貸其耕耘之具而緩其租 少乞四年全等 則役重此所以度民力之所勝亦所以破兼并之門而塞 常後視賦以為後是故貧者鬻田則賦輕而富者加地 其財足以供責之重役則其力足以堪何者其輕重厚 制賦因賦之多少而制役其初蓋甚均也責之厚賦則 漸也其四回較賦役自兩稅之與因地之廣狹齊腴而 出於地而不可易也戶無常賦視地以為賦人 歷代名臣奏議 四九

僥倖之源也及其後世歳月既父則小民稍稍為姦度 金グロをといる 恃其有餘而邀之貧者迎於飢寒而欲其速售是故多 官吏耳目之所不及則雖有法禁公行而不忌今夫 取其地而少人其賦有田者方其貧困之中尚可以緩 田者必窮迫之人而所從鬻者必富厚有餘之家富者 户之賦官知其為賦之多少而不知其為地之幾何也 而其勢無由以止絕且其為姦常起於貿易之際夫當 如此則増損出入惟其意之所為官吏雖明法禁雖嚴

來天下之賦大抵清亂有兼并之族而賦甚輕有貧弱 **飲定四車全書** 倖也天下有一人馬僥倖而免則亦必有一人馬不幸 其賦存而其人亡者天下皆是也夫天下不可以有佬 之家而不免於重役以至於破敗流移而不知其所往 其少半之直或者亦食其直之微而取馬是以數十年 以計免於賦役者割數弘之地加之以數倍之賦而收 而賦不加多貧者地日以削而賦不加少又其好民欲

一時之急則不暇計其他日之利害故富者地日以益

士大夫畏之而不敢議而臣以為此最易見者顧弗之 弊者亦從可知矣三代之賦以什一為輕今之法本不 為患而不能去何者勢不可也今欲按行其地之廣俠 至於什一而取然天下嗷嗷然以賦飲為病者豈其歲 廣挟瘠腴亦將一切出於其意之喜怒則患益深是故 **从而姦生偏重而不均以至於此數雖然天下皆知其** 而受其弊今天下僥倖者如此之衆則其不幸而受其 瘠腴而更制其賦之多寡則姦吏因緣為賄賂之門其

其賦重為之禁而使不敢以不實之直而書之契則夫 次 之四年全 則知其田多且美也如此而其賦少其役輕則夫人亡 故府猶可得而見茍其稅多者則知其直多其直多者 久遠者不可復知矣其數十年之間皆足以推較求之 易田之税是故欲知其地之廣狹齊腴可以其稅推也 察耳夫易田者必有契契必有所直之數其所直之數 而賦存者可以有均矣鬻田者皆以其直之多少而詰 必得其廣狹齊腴之實而官少據其所直之數而取其 歷代名臣奏議 至

後將有所不可救者昔者先王知兵之不可去也是故 當今生民之患果安在哉在於知安而不知危能逸而 審之吏坐於帳中足以周知四境之虚實不過數月而 輕而輕者日以重而未知其所終也其五日教戰守夫 之所直與凡賦之所宜多少而以稅祭之如此則一持 民得以少蘇不然十數年之後将不勝其弊重者日以 自今以往者貿易之際為姦者其少息矣要以知凡 不能勞此其患不見於今將見於他日今不為之計其 オノニー 欽定四庫全書-治惟其民安於太平之樂酣豢於将戲酒食之間其剛 賊之變而民不至於驚潰及至後世用迁儒之議以去 相與恐懼就言不戰而走開元天寶之際天下豈不大 後甲兵頓弊而人民日以安於逸樂卒有盗賊之警則 兵為王者之威節天下既定則卷甲而滅之數十年之 亂使其心志安於斬刈殺伐之際而不憐是以雖有盗 以進退坐作之方使其耳目習於鐘鼓旌旗之間而不 天下雖平不敢忘戰秋冬之隙教民田獵以講武教之 歷代名臣奏議

威夏而力作窮冬而暴露其筋骸之所衝犯肌膚之所 浸渍輕霜露而狎風雨是故寒暑不能為之毒今王公 也夫風雨霜露寒暑之變此疾之所由生也農夫小民 多疾至於農夫小民終歲勞苦而未當告疾此其故何 出而乘之四方之民獸奔鳥竄乞為囚虜之不暇天下 王公贵人所以養其身者豈不至哉而其平居常告於 分裂唐室固以微矣盖嘗試論之天下之勢譬如一身 心勇氣消耗鈍眊痿蹶而不復振是以區區之禄山一 次主四事全書· 歴代名臣奏議 未當言兵以為生事擾民漸不可長此不亦畏之太甚 屬情脆弱如婦人孺子不出於閨門論戰鬪之事則縮 力涉險而不傷夫民亦然今者治平之日久天下之人 步趨動作使其四體独于寒暑之變然後可以剛健强 貴人處於重屋之下出則乘與風則襲裘雨則御盖凡 頸而股慄間盗賊之名則掩耳而不願聽而士大夫亦 所以慮患之具,莫不備至畏之太甚而養之太過小不 如意則寒暑入之矣是故善養身者使之能逸而能勞 至

患必有所不測故曰天下之民知安而不知危能逸而 漸使民於安樂無事之中一旦出身而蹈死地則其為 則先於彼不出於西則出於北所不可知者有運速逐 方之無事則以為變故無自而有此亦不然矣今國家 近而要以不能免也天下尚不免於用兵而用之不以 者無厭此其勢必至於戰戰者必然之勢也不先於我 所以奉西北之屬者歲以百萬計奉之者有限而求之 而養之太過數且夫天下固有意外之患也愚者見四 大工中華全十一 歷代名臣奏議 旦之危哉今天下屯聚之兵騎豪而多怨陵壓百姓而 以為無故而動民又陳以軍法則民将不安而臣以為 授以擊刺之術每歲終則聚之郡府如古都試之法有 習兵法庶人之在官者教以行陣之節役民之司盗者 之民而驅之戰夫無故而動民雖有小恐然孰與夫一 此所以安民也天下果未能去兵則其一旦将以不教 勝負有賞罰而行之既久則又以軍法從事然議者必 不能勞此臣所謂大患也臣欲使士大夫尊尚武勇講 五志

之本少起於小姦惟其小而不足畏是故其發也常至 故嚴法禁督官吏以司察天下之姦民而去之夫大亂 使平民皆習於兵彼知有所敵則固己破其姦謀而折 其問蓄而不發以待天下之釁至於時有所激勢有所 天下之亂少生於治平之日休養生息而姦民得容於 其驕氣利害之際豈不亦甚明數其六曰去姦民自昔 邀其上者何故此其心謂天下之知戰者惟我而已如 乗則潰裂四出不終朝而毒流於天下聖人知其然是

金ショ

之小盜也昔三代之聖王果斷而不疑誅除擊去無有 |資且其治平無事之時雖欲為大盜将安所容其身而 此不知變者之說也天下無小姦則豪俠大盗無以為 於亂天下今夫世之所憂以為可畏者必曰豪俠大盗 舉非小盜也天下有釁鉏擾棘矜相率而剽奪者皆向 · 典群飲於市肆而以號於郊野小者呼雞逐狗大者惟 其殘忍貪暴之心無所發洩則亦時出為盜賊聚為博 牛發塚無所不至捐父母棄妻孥而相與嬉将凡此者

文艺四年在書 歷代名臣奏議

五

遭類所以擁護良民而使安其居及至後世刑法日以 期以次輕之其下罪三月役使州里任之然後有而舍 其自入於刑則其所去者盖無幾耳昔周之制民有罪惡 持吏短長而不可詰者又有因緣幸會而免者如必待 **未麗於法而害於州里者桎梏而坐諸嘉石重罪役之** 身為不義而其罪不可指名以附於法者有巧為規避 於刑而後去也夫為惡而不入於刑者固己眾矣有終 深嚴而去姦之法乃不及於三代何者待其敗露自入

然故小惡不容於鄉大惡不容於國禮樂之所以易化 而不齒於鄉黨由是觀之則周之威時日夜整齊其人 刑者謂之罷民凡罷民不使冠帯而加明刑任之以事 之其化之不從威之不格患若其鄉之民而未入於五 以仁恕為心而士大夫一切以寬厚為稱上意而懦夫 中搜求伏兔而搏之不待其自投於網羅而後取也夫 而法禁之所以易行者由此之故也今天下久安天子 民而鋤去其不善譬如獵人終日馳驅践踩於草節之

次之四百七十二 歷代名臣奏義

五大

则 爱不與馬有內大臣之變有外諸侯之叛有匹夫羣起 孝有弟不悌好訟而數犯法者皆誅無赦誅一鄉之姦 宜明較天下之更使以歲時糾察凶民而徒其尤無良 陰德之報臣是以知天下頗有不誅之姦将為子孫憂 者不必待其自入於刑而問則命使出按郡縣有子不 庸人又有所僥倖務出罪人外以邀雪宽之賞而内以待 而悦泉則雖舜亦如此而已矣天下有三患而蠻夷之 一鄉之人悦誅一國之姦則一國之人悦要以誅寡

金りじ

大色日草在 征伐不義之諸侯而未嘗患無財方此之時關市無征 强諸侯而萬世之後其或可憂者姦民也臣故曰去姦 之禍此三者其勢常相持內大臣有權則外諸侯不叛 **山澤不禁取於民者不過什一而財有餘及其衰也内** 百里當其受命四方之君長交至於其廷軍旅四出以 用夫天下未嘗無財也昔周之與文王武王之國不過 外諸侯强則匹夫羣起之禍不作今者内無權臣外無 民以為安民之終云 厚貨財者其別有二一曰省費 歷代名臣奏議 至

益以不給不知罪其用之不節而以為求之未至也是 為功仰人以援己則難為力是故廣取以給用不如節 聚衣食既足則心意之欲日以漸廣所入益泉而所欲 方其窮困時所望不過十金之資計其衣食之費妻子 之夫財豈有多寡哉人君之於天下俯已以就人則易 之奉出入於十金之中寬然而有餘及其一旦稍稍畜 用以廉取之為易也臣請得以小民之家而推之夫民 食千里之租外牧千八百國之贡而不足於用由此觀

金グロろろう

缺定四車全書 · 歴代名臣奏議 此國家創業之初四方割據中國之地至狭也然歲歲 有三計有萬世之計有一時之計有不終月之計古者 思其始而惴惴馬患今世之不足則亦甚惑矣夫為國 出師以誅討僭亂之國南取荆楚西平巴蜀而東下并 其所終也盍亦反其始而思之夫嚮者豈能寒而不衣 飢而不食乎今天下汲汲乎以財之不足為病何以過 潞其費用之衆又百倍於今可知也然天下之士未當

以富而愈貪求愈多而財愈不供此其為惑未可以知

而不可動可逸而不可勞此亦一時之計也至於最下 使之困此萬世之計也而其不能者一歲之入纔足以 飢也歲之所入足用而有餘是以九年之蓄常間而無 為一歲之出天下之産僅足以供天下之用其平居雖 若此者天不能使之災地不能使之貧四夷盜賊不能 不至於虐取其民而有急則不免於厚賦故其國可静 用卒有水旱之變盜賊之憂則官可以自辨而民不知 |年耕少有一年之蓄以三十年之通則可以九年無

茶有等則凡衰世茍且之法莫不盡用矣譬之於人其 然無大患難而盡用衰世的且之法不知有急則将何 今未五六十而衰老之候具見而無遺若八九十者將 少壯之時豐健勇力然後可以望其無疾以至於毒者 何以待其後耶然天下之人方且窮思竭慮以廣求 山陵林麓莫不有禁關有征市有租鹽鐵有權酒有課 以加之此所謂不終月之計也今天下之利莫不盡取 而無謀者量出以為入用之不給則取之益多天下晏

少之四事全事 是代名臣奏議

竞

吏所謂股肱耳目與縣官同其憂樂者此豈亦不得己 一費名重而實輕以不急之實而被之以莫大之名是以 鹽鐵酒茗之稅將不為國乎臣有以知其不然也天下 疑而不敢去三歲而郊郊而被故而賞此縣官有不得 已者天下吏士数日而待賜此誠不可以卒去至於大 不能盡知請舉其所聞而其餘可以類求馬夫無益之 之費固有去之甚易而無損存之甚難而無益者矣臣 門且人而不急則以為費用不可復省使天下而無

ľ

次定四草全書 使濱河州郡之吏親行其災而責之以救災之術顧為 者也天下之吏為不少矣將患未得其人尚得其人則 之厚徒兵之衆其為費豈可勝計哉盖害聞之里有畜 都水監夫四方之水患豈其一人坐籍於京師而盡其 凡民之利莫不備舉而其忠莫不盡去今河水為患不 固已過矣又使大臣以使領之歲給以巨萬計此何為 利害天下有轉運使足矣今江淮之間又有發運禄賜 而有所畏耶天子有七廟今又飾老佛之宫而為之祠 歷代名臣奏議 卒

者日求而去之自毫釐以往莫不有益惟無輕其毫釐 是而推之天下無益之費不為不多矣臣以為凡若此 長威長立而馬益癯今為政不求其本而唯治其末自 馬者患牧人欺之而盜其獨散也又使一人馬為之底 金少日不一 無事於兵者千有餘年而未有如今日之極者也三代 衰井田廢兵農異處兵不得休而為民民不得息局而 而積之則天下底乎少息也其二日定軍制自三代之 之制不可復追矣至於漢唐猶有可得而言者夫兵無

勝而不可並行其勢然也今夫有百頃之間田則足以 事而食則不可使聚聚則不可使無事而食此二者相 林而已邊境有事諸侯有變皆以虎符調發郡國之兵 故都縣無常屯之兵而京師亦不過有南北軍期門 牧馬干駟而不知其實聚干駟之馬而輸百頃之勞則 · 定回車全部 歴代名臣奏議 至於事己而兵休則渙然各復其故是以其兵雖不知 其费百倍比易晓也昔漢之制有踐更之卒而無營田 之兵雖皆出於農夫而方其為兵也不知農夫之事是

農而天下不至於弊者未當聚也唐有天下置十六衛 **曾無事而食也今天下之兵不耕而聚於京畿三輔者** 皆無事則力耕而積穀不惟以自贍養而又有以廣縣 官之儲是以兵雖聚於京師而天下亦不至於弊者未 府兵天下之府八百餘所而屯於關中者至有五百然 之财近自淮甸而遠至於吳蜀凡舟車所至人力所及 利擇其偏而兼用之是以兼受其弊而莫之分也天下 以數十萬計皆仰給於縣官有漢唐之患而無漢唐之

至于縣鎮往往皆有京師之兵由此觀之則是天下之 莫不盡取以歸於京師晏然無事而賦斂之厚至于不 疆土矣然其故基餘孽猶有存者上之人見天下之難 服太祖太宗躬擐甲胄力戰而取之既降其君而籍 往來屯戍於郡縣者音建國之初所在分裂擁兵而不 合而恐其復發也於是出禁兵以戍之大自藩府而小 兵聚於內而食四方之貢賦非特如此而已又有循環 可復加而三司之用猶苦其不給其弊皆起於不耕之 **歴代名臣奏議**

| 欽定匹庫全書 戰圖之事武夫悍卒非有勞伐可以邀其上之人然皆 費莫大於養兵養兵之費莫大於征行今出禁兵而成 地一尺一寸皆天子自為守也而可以長久而不變乎 之力安得不竭認運之卒安得不疲且今天下未常有 要其歸無以異於數十萬之兵三歲而一出征也農夫 都縣遠者或數千里其月廩歲給之外又日供其芻糧 不得為休息間居無用之兵者其意以為為天子出成 三歲而一遷往者紛紛來者纍纍雖不過數百為單而 卷三十七

方之兵而專信禁兵也曩者蜀之有均賊與近歲貝州 也是故美衣豐食開府庫輦金帛若有所負一逆其意 有常所哉山川之所習風氣之所咻四方之民一也昔 則欲羣起而噪呼此何為者也天下一家且數十百年 えこりら ハトラ 者戰國當用之矣蜀人之怯懦吳人之短小皆當以抗 訓而陰奪其權則禁兵可以漸省而無用天下武健豈 之亂未少非禁兵致之臣愚以為郡縣之土兵可以漸 矣民之戴君至於海隅無以異於畿甸亦不必舉疑四 歷代名臣奏議 空

土兵日以多禁兵日以少天子扈從捏城之外無所復 衡於上國夫安得禁兵而用之今之土兵所以鈍弊劣 费之省者又已過半矣 訓兵旅者其别有三一曰蓄 用如此則內無屯聚仰給之費而外無遷徒供億之勞 而以其資糧益優都縣之土兵則彼固以數於踌雖出 棄於賤隸役夫之間而將吏亦莫之訓也尚禁兵漸省 弱而不振者彼見郡縣皆有禁兵而待之異等是以自 于意外戴上之恩而願效其力又何遽不如禁兵耶夫

銀定四年全書

卷三十七

飲定四庫全書 伏乎其中而威見乎其外悚然有所不可狎者至于鳅 使敷器械鈍弊而不足用敷抑為城郭不足守數廪食 材用夫今之所患兵弱而不振者宣士卒寡少而不足 朝廷之尊百官之富不可謂無材然以區區之二邊舉 之何則其見於外者不可欺也天下之大不可謂無人 用也夫國之有材譬如山澤之有猛獸江河之有蛟龍 不足給數比數者皆非也然所以弱而不振則是無材 蚖之所蟠牂豚之所牧雖千仭之山百尋之溪而人易

蠻夷無所畏內之朝廷無所恃而民又自輕其上此猶 足以為有人乎天下未嘗無才患所以求才之道不至 臣辱主辱則臣死今朝廷之上不能無憂而大臣恬然 數州之衆以臨中國抗天子之威犯天下之怒而其氣 而北響吏士未戰而先期於敗則是民輕其上也外之 未有拒絕之議非不欲絕也而未有以待之則是朝廷 未當少衰其詞未當少挫則是其心無所畏也主憂則 無所恃也緣邊之民西顧而戰栗牧馬之士不敢彎方

之求則來者寡來者寡則不可以有所擇以一旦之急 次主四事全計 |較天下之虚名二者相為用而不可廢是故其始也天 古之聖人以無益之名而致天下之實以可見之實而 士喜論兵者未必能用也進之以武舉而武之以騎射 之所奔也今夫孫吳之書其讀之者未必能戰也多言之 無以欺其上此無他先名而後實也不先其名而唯實 而用不擇之人則是不先名之過也天子之所向天下 下莫不紛然奔走從事於其間而要之以其終不肖者

惶惑而不知所措於是設武舉購方略收勇悍之士而 無據至於臨事終不可用執事之臣亦遂厭之而知其 天下嚣然莫不自以為知兵也來者日多而其言益以 開猖狂之言不爱髙爵重賞以求强兵之術當此之時 天下之才而擇之以待一旦之用故其兵與之際四顧 者不可以致以為未必至而棄之則是其必然者終不 天下之奇才未必至也然将以求天下之實則非此三 可得而見也往者西京之與其先也惟不以虛名多致

缺 定四車全書 歷代名臣奏議 故見之於治兵于玉治兵於為終日而畢鞭七人貫三 将進亦已過矣天下之實才不可以求之於言語又不 求得此二者皆過也夫既已用天下之虚名而不較之 略之類適足以開僥倖之門而天下之實才終不可以 人耳為賈觀之以為剛而無禮知其必敗孫武始見試 以實至其弊也又舉而廢其名使天下之士不復以兵 無益故兵休之日舉從而廢之今之論者以為武舉方 可以較之於武力獨見之於戰耳戰不可得而武也是

練軍實三代之兵不待擇而精其故何也兵出於農有 之虚名而較之以可見之實無乎可得而用也其二曰 則足以見其能凡此者皆不可强也故曰先之以無益 見其氣約束堅明則足以見其威坐作進退各得其所 将即之才否莫如治兵之不可欺也今夫新募之兵驕 方略之類以來之新兵以武之觀其顏色和易則足以 而難令勇悍而不知戰此真足以觀天下之才也武舉 以婦人而猶足以取信於闔間使知其可用故凡欲觀 饮之四軍全書 一 歷代名臣奏樣 費用省而兵卒强盖春秋之時諸侯相并天下百戰其 經傳所見謂之敗績者如城濮鄢陵之役皆不過犯其 之民師行而銀糧則未當食無用之卒使之足輕險阻 者莫不皆其肚子弟故其無事而田獵則未嘗發老弱 之地干乘之泉而人人足以自捍故殺人少而成功多 而手易器械聰明足以赴旗鼓之節强銳足以犯死傷 常數而無常人國有事要以一家而備一正卒如斯而 已矣是故老者得以養疾病者得以為閒民而役於官 空

糧而皆廪之終身凡民之生自二十以上至于衰老不 **三籍行不得為商居不得為農而仰食於官至於衰老而** 其勢不可得而多殺也及至後世兵民既分兵不得復 無歸則其道誠不可以棄去是故無用之卒雖薄其資 子屋盧既已託於營伍之中其姓名既已書於官府之 而為民於是始有老弱之卒夫既已募民而為兵其妻 河如後世之戰者何也民各推其家之壯者以為兵則 師而獵其将卒斂兵而退未有僵尸百萬流血於江 次定四年全島 弱不堪之卒拱手而就戮故有以百萬之東而見屠於 屯兵十年則是五年為無益之費也民者天下之本而 殘敗之多耶其弊皆起於分民而為兵兵不得休使老 財者民之所恃以生也有兵而不可使戰是調棄財不 過二十餘年今廪之終身則是一卒凡二十年無用而 食於官也自此而推之養卒十萬則是五萬人可去也 過四十餘年之間勇銳强力之氣足以犯堅冒刀者不 可使戰而驅之戰是謂奪民臣觀秦漢之後天下何其 歷代名臣奏議 文

募兵至多往者陕西之役舉籍平民以為兵加以明道 夫三代之衰民之無罪而死者其不可勝數矣今天下 凡民之為兵者其類多非良民方其少壯之時博奕飲 災民急而為兵者日以益泉舉籍而按之近世以來募 寶元之間天下旱蝗次及近歲青齊之飢與河朔之水 數千之兵者其良將善用不過以為餌委之啖賊嗟 而衣食之費百倍於古此甚非所以長久而不變者也 兵之多無如今日者然皆老弱不教不能當古之十五

火江四年在5 兵終身坐食之費而為重募則應者必衆如此縣官長 猶可以養生送死為終身之計使其應募之日心知其 聽自今以往民之欲為兵者皆三十以下則次限以十 悔而不可復者矣臣以謂五十已上願復而為民者宜 無老弱之兵而民之不任戰者不至於無罪而死彼皆 不出十年而為十年之計則除其籍而不怨以無用之 酒不安於家而後能捐其身至其少衰而氣沮盖亦有 年而除其籍民三十而為兵十年而復歸其精力思慮 歷代名臣奏議 亢

城掠之而不能抗今使民得更代而為兵兵得復還而 金シロス 始至者有既久者有將去者有當代者新故雜居而教 急有所不濟夫所謂十年而代者豈舉軍而並去之有 為民則天下之知兵者東而盜賊之心将有所忌然獨 至於叫呼無賴以自棄於山人今夫天下之患在於民 知其不過十年而復為平民則自愛其身而重犯法不 有言者将以為十年而代故者已去而新者未教則緩 不知兵故兵常驕悍而民常怯盗賊攻之而不能禦盗

一次 主四年全書 歷代名臣奏議 一識也臣請得以備言之夫倡者何也氣之先也有人人 於毫釐之際故其權在將與君人固有暴猛獸而不操 建與楹至於三軍之勇怯則一也出於反覆之間而差 權英雄豪傑之士所以陰用而不言於人而人亦莫之 則緩急可以無憂矣其三曰倡勇敢臣聞戰以勇為主 之勇怯有三軍之勇怯人人而較之則勇怯之相去若 致勇有将致勇莫先乎倡倡莫善乎私此二者兵之微 以氣為決天子無皆勇之将而將軍無皆勇之士是故

鐘鼓之聲而戰慄者是勇怯之不齊至於如此然問問 翻然勃然之心而開其自悔之意則是不戰而先自敗 非必 勇者也氣之所乘則奪其性而忘其故故古之善 兵出入於白刃之中而色不變者有見虺蜴而却走聞 用兵者用其翻然勃然於未悔之間而其不善者沮其 其心翻然其色勃然若不可以已者雖天下之大勇無 之小民争關戲笑卒然之間而或至於殺人當其發也 以過之及其退而思其身顏其妻未始不惻然悔也此 ラル 人ノニア 一次定四年全書 人 其百勇者居其一是勇者難得也捐其妻子棄其身以 間而用其鋒是之謂倡倡其善乎私天下之人怯者居 決而三軍之士奮屬目於一夫之先登則勃然者相繼 皆任其事天下有急而有一人馬奮而争先而致其死 矣天下之大可以名叔也三軍之衆可以氣使也諺曰 則翻然者衆矣亏失相及劍楯相交勝負之勢未有所 也故曰致勇有術致勇莫先乎倡均是人也皆食其食 一人善射百夫決拾尚有以發之及其翻然勃然之 胜代名臣奏議

一一一般一般法致之死地而聽其以深入贖罪使勉强不得 其心莫不自異自異而上不異之則緩急不可以望其 節白刃是勇者難能也以難得之人行難能之事此必 拍勇士風告天下以求奮擊之人然卒無有應者於是 帝欲觀兵於四夷以逞其無厭之求不爱通侯之賞以 為倡故凡緩急而肯為倡者必其上之所異也昔漢武 之士視其勇者而陰厚之人之有異材者雖未有功而 金りてるとこ 有難報之恩者矣天子必有所私之将将軍必有所私

賞有罪而可赦者凡所以魏其心而責其為倡也天下 次定四年於野一 窮而自止方西戎之叛也天子非不欲赫然誅之而将 之禍莫大於上作而下不應上作而下不應則上亦將 用為其賢於人而私之則非私無以濟盖有無功而可 難乎私者天下之所惡也然而為已而私之則私不可 已之人馳驟於死生之地是故其將降其兵破敗而天 即之臣謹守封略收視內顧莫有一人先奮而致命 下幾至於不測何者先無所異之人而望其為倡不已 歷代名臣奏議 せた

我得以肆其倡狂而吾無以應則其勢不得不重路而 金グロ 士西師之休十有餘年矣用法益密而進人益艱賢者 士卒亦循循馬莫肯盡力不得己而出争先而歸故西 止臣不知其緩急將誰為之倡哉 策斷曰二邊為中 國患至深遠也天下謀臣猛將豪傑之士欲有所送於 不見異勇者不見私天下務為奉法循令要以如式而 西北者久矣聞之兵法曰先為不可勝以待敵之可勝 和其患起於天子無同憂患之臣而將軍無心腹之 卷三十七

大きり事を皆 之臣得以專治內事尚天下之弊莫不盡去紀網修明 勝之具故竊當以為可特設一官使獨任其責而執政 向者臣愚以為西北雖有可勝之形而中國未有不可 至於亡者周唐是也有以匹夫横行而至於亡者秦是 食足而兵强百姓樂業知爱其君卓然有不可勝之備 亡天下者四而天子無道不與馬盖有以諸侯强逼而 天下将亡其發必有門聖人者唯知其門而塞之古之 如此臣固將備論而極言之夫天下將與其積必有源 歷代名臣奏議 芝

金がりにんといる 隙馬而一日潰之其窺之甚難而取之甚密曠日持久 所由亡之門而塞之則至於今可以不廢惟其諱亡而 侵而至於亡者二晉是也使此七代之君皆能逆知其 也有以大臣執權而至於亡者漢魏是也有以蠻夷内 然後可得而間蓋非有一日卒然不赦之患也是故聖 之勢蟠於天下而結於民心者甚厚故其亡也必有大 人以於其全威之時而塞其所由亡之門盖臣以為當 不為之備或備之而不得其門故禍發而不救夫天子

欠主四年全島 至於戰敢問今之所以戰者何也其無乃出於倉卒而 者有倦而求者無厭以有倦待無厭而能久安於無事 天下未當有也故夫二邊之患特有逐近耳而要以少 必將待外之變先之以他國而繼之以吾民臣之所謂 召内之禍内之民實執存亡之權而不能獨起其發也 今之患外之可畏者西北之國而內之可畏者天子之 可畏者有此而己昔者敵國之患起於多求而不供供 民也西北之國不足以為中國之大憂而其動也有以 歷代名臣奏議

兵有權權之所在其國乃勝是故國無大小兵無强弱 戰不能欲休不可進不能戰而退不能休則其計將出 攘之間而吾不能自必則權在敵國權在敵國則吾欲 賦而不已則凡暴取豪奪之法不得不施於今之世矣 而繼之以重媾則國用不足國用不足則加賦於民加 於求和求和而自我則其所以為媾者必重軍旅之後 一時乎且夫兵不素定而出於一時當其危疑擾 動變生無方國之大憂將必在此盖害閩之用

一次正四庫全書 歷代名臣奏議 有小國弱兵而見畏於天下者權在馬耳千釣之牛制 能强於天下之諸侯秦惟能自必而諸侯不能是以天 莫能支守則天下莫能窥告者秦當用此矣開關出兵 此其故何也權在人也我欲則戰不欲則守戰則天下 於三尺之童弭耳而下之曾不如祖猿之奮擲於山林 諸侯常欲和而秦常欲戰如此則權固在秦矣且秦非 和於秦秦人未嘗急於割地之利若不得己而後應故 以攻諸侯則諸侯莫不願割地以求和諸侯割地而求 とま

相顧而終莫能自必則權之在秦不亦宜乎向者實元 說而合為從養開張儀之計而散為横秦則不然横人 日復戦也如此則賊常欲戰而我常欲和賊非能常戰 其終也逆探其意而與之和又從而厚銀之惟恐其一 慶歷之間河西之役可以見矣其始也不得已而後戰 下百變而卒歸於秦諸侯之利固在從也朝聞陳軫之 也特持其欲戰之形以乘吾欲和之勢優用而隻得点 之欲為橫從人之欲為從皆使其自擇而審處之諸侯

一次 定四軍全書 一 歷代名臣奏議 **驟而我則發之夫為國者使人備已則權在我而使已** 争先而處强也當時羣臣不能深明其意以為敵國無 論則曰勿為禍始古之英雄之君豈其樂禍而好殺唐 是以中國之大而權不在馬欲天下之安則莫若使權 憚形之以好戰而後天下之權有所歸矣今夫庸人之 在中國欲權之在中國則莫若先發而後罷示之以不 太宗既平天下而又微微出師以從事於夷狄盖晚而 不倦暴露於千里之外親擊高麗者再馬凡此者所以 上去!

國之權重苟不先之則彼或以執其權矣而我又總總 沮當此之時天下之權在於朝廷伐之則足以為威舍 備人則權在人當太宗之時四夷狼顧以備中國故中 其權以要天子及至憲宗奮而不顧雖小挫而不為之 而畏戰一有敗如則兢兢馬縮首而去之是故姦臣執 如此則雖有天下吾安得而為之唐之表也惟其飲 馬惡戰而樂罷使敵國知吾之所忌而以是取必於吾 之則足以為恩臣故曰先發而後罷則權在我矣 Ľ Ŋ 1:1:1

次主四事全書 屋代名臣奏議 其一定之計未始易也勾践之取吳是驕之而已秦之 **聞用兵有可以逆為數十年之計者有朝不可以謀** 者攻守之方戰關之術一日百變循以為批若此者朝 而固執之是以有利有不利有進有退百變而不同而 勾践之取吳秦之取諸侯高祖之取項籍皆得其至計 而已此其至計不可易者雖百年可知也今天下晏然 取諸侯是散其從而己高祖之取項籍是問與其君臣 不可以謀夕者也古之欲謀人之國者必有一定之計

勝大小之勢異也然而勢有所激則大者失其所以為 皆所以為憂而臣以為兵之所加宜先於西故先論所以 為中國之患而西邊之患小北邊之患大此天下之所 所以固執而不變者臣請得以豫言之夫西邊北邊皆 關之衔固未可以豫論而臆斷也然至於用兵之大計 未有用兵之形而臣以為少至於戰則其攻守之方戰 金りでなる 明知也管仲曰攻堅則瑕者堅攻瑕則堅者瑕故二者 御西戎之大略今夫鄒與魯戰則天下莫不以為魯

九二日至 1.12 際也國大則君尊而上下不交將軍貴而吏士不親法 所以守戰至死而不去者以其君臣上下數於相得之 自重而多疑小國之人計窮而無所恃則致死而不顧 國分則强弱之勢將有所支大國之人譬如干金之子 所短小有所長地廣而備多備多而力分小國聚而大 大而小者忘其所以為小故有以鄒勝魯者矣夫大有 知小而自畏則深謀而必克此又其理然也夫民之 以小國常勇而大國常怯恃大而不戒則輕戰而屢 歷代名臣奏議

|長而大國之所短也大國而不用其所長使小國常出 家也有愛則相如有急則相赴凡此數者則小國之所 金好四母全書 殿之少則能逃之不若則能避之自敵以上者未常有 今繁而民無所措其手足若夫小國之民截然其若 所長矣長於戰而不長於守夫守者出於不足而已譬 於其所短雖百戰而百屈豈足怪哉且夫大國則固有)於物大而不用則易以腐敗故凡擊搏進取所以用 人也孫武之法十則圍之五則攻之倍則分之敵則能 卷三十七

較也西戎之於中國可謂小國矣向者惟不用其所長 罔市利而販夫小民終莫能與之競者非智不若其財 固己失其所長矣凡大國之所恃吾能分兵而彼不能 ここうここ 不得不折而入於千金之家何則其所長者不可以與 少也是故販夫小民雖有禁點之才過人之智而其勢 分吾能數出而彼不能應譬如千金之家日出其財以 不戰也自敵以上而不戰則是以有餘而用不足之計 以聚兵連年終莫能服今欲用吾之所長則莫若數 建七台五奏義

| 飯定匹庫全書 少出於敵人之所不能我大而敵小是故我能分而彼 出則是一人而歲一出也吾一歲而一出彼一歲而十 出十二而行則一歲可以五出十一而十出十二而五 適用故其便莫若分兵使其十一而行則一歳可以十 出數出莫若分兵臣之所謂分兵者非分此之謂也分 被兵馬則衆寡之不侔勞逸之不敵亦已明矣夫用兵 其居者與行者而已今河西之成卒惟患其多而莫之 不能此吳之所以肆楚而隋之所以祖陳敏夫御戎之 卷三十七 大定四軍全事--戰則人人自關敗則驅牛羊遠徙不可得而破盖非獨 聚落守望之助其旃裘肉酪足以為養生送死之具故 文書符傳之繁其居處以逐水草為常故無城郭邑居 古聖人法度之所不加亦其天性之所安者猶沐猴之 所以能敵之者其國無君臣上下朝覲會同之節其民 其次請論北方之勢古者匈奴之衆不過漢一大縣然 桁不可以逆知其詳而其大略臣未見有過此者也 無穀米絲麻耕作織紅之勞其法令以言語為約故無 歷代名臣奏議

金ガロス 坐作之節勝不相先敗不相棄此其所以謹守其法而 溝池大倉廪實府庫明烽燧遠斤堠使民知金鼓進退 聖人知其然是故精修其法而謹守之築為城郭塹為 酪之便美也由此觀之中國以法勝而匈奴以無法勝 不敢失也一失其法則不如無法之為便也故夫各輔 于無愛漢物所得繒絮皆以馳草棘中使衣袴弊裂以 不可使冠帶怒馬之不可以被羈無也故中行說教單 不如旃裘之堅善也得漢食物皆去之以示不如重 Mill. I.M. 决定四年全替-世而諸侯不敢窺也其後楚中公巫臣始教以乘車 騎射今夫外域而用中國之法豈能盡如中國哉茍不 其性而安其生則中國與敵本不能相犯惟其不然是 以騎射也昔吳之先斷髮文身與魚鼈龍蛇居者數 能盡如中國而雜用其法則是佩玉服軟冕垂旒而欲 故皆有以相制敵人之不可從中國之法循中國之不 廟之服所以登降揖讓折旋俯仰為容者也而不可以 可從敵人之無法也今夫佩王服赦冕而垂旒者此宗 歷代名臣奏議

相繼遠者不過一傳再傳而滅何也其心固安於無法 之資而貪中國之美宜其可得而圖之哉西晉之亡也 御使出兵侵楚而闔廬夫差又逞其無厭之求闕溝通 驅駕一時之賢俊其强者至有天下太半然終於覆亡 君長如劉元海苻堅石勒慕容儁之傳皆以絕異之姿 匈奴鮮卑氐羌之類紛紜於中國而其豪傑間起為之 水與齊晉争强黃池之會强自冠帯吳人不勝其弊卒 入於越夫吳之所以强者乃其所以亡也何者以異域

大三日 日本 文武選舉之法都邑郡縣之制以至於衣服飲食皆雜 之亂奄至京邑覩中原之富麗廟社宫闕之壮而悦之 得於天之分未有不亡者也契丹自五代南侵乘石晉 中國士大夫有立其朝者矣故其朝廷之儀百官之號 心 发发然常若寄居於其間而安能久乎且人而棄其所 無法君臣相戾上下相厭是以雖建都邑立宗廟而其 知不可以留也故歸而竊習馬山前諸郡既為所并則 也而束縛於中國之法中國之人固安於法也而苦其 歷代名臣奏議

張之性而外牽於華人之法此其所以自投於陷弃網 鱼片四月至書 羅之中而中國之人猶曰今之匈奴非古也其措置規 夫天下固有沈謀陰計之士也告先王欲圖大事立奇 畫皆不與其時相似以為不可得而圖之亦過計矣且 功則非斯人莫之與共秦之尉繚漢之陳平皆以樽組 問而制敵國之命此亦王者之心期以拜天下之禍 中國之象然其父子聚居贵壮而賤老貪得而忘失 不相讓敗不相救者猶在也其中未能革其詭譎講

鬱結而思變者特未有路耳凡此皆可以致其心雖不 所在賢俊雲合響應無有逐通皆欲洗濯磨淬以觀上 其間固亦有賢俊慷慨不屈之士而結辱及於公卿鞭 父三日日 こた 為吾用亦以間跡其君臣此由余之所以入秦也幽燕 扑行於殿陛貴為將相而不免囚徒之恥宜其有惋憤 之地自古號多雄傑名於圖史者往往而是自宋之與 足惜矣臣觀其朝廷百官之象而中國士大夫交錯於 而已彼契丹者有可乘之勢三而中國未之思馬則亦 歷代名臣奏議 主

哉此又足為之謀也使其上下相猜君民相疑然後可 其族類故厚斂而虐使之則其思內附之心豈待深計 降者聞來與之還無不泣下且敵人以為諸都之民非 之不能棄之不忍華夷雜居易以生變如此則中國之 未克而班師聞之謀者曰幽州士民謀欲執其即以城 國之光而此一方獨陷於非類昔太宗皇帝親征幽州 守宰倉原府庫莫不備具有一旦之急適足以自累守 攻也語有之曰鼠不容穴断宴數也彼惜立四都分置

銀好四年全書

卷三十七

一飲定四車全書- 人一 歷代名臣奏張 乎惟國家留意其大者而為之計其小者臣未敢言馬 有決也夫外域者以力攻以力守以力戰顧力不能則 其法彼慕中國之法而不能純用是以勝負相持而未 也苟去此三者而角之於力則中國固不敵矣尚何云 不攻而敵人莫不備也氣者有所不戰而敵人莫不惧 而力有餘形者有所不守而敵人其不忌也勢者有所 逃中國則不然其守以形其攻以勢其戰以氣故百戰 長足以有所施矣然非特如此而已也中國不能謹守 金

若牛毛人之耳目所不能周思慮所不能照而法病矣 景刑措不用歷魏而晉條目滋章斷罪所用至二萬六 目所及尚不能盡而沉察人於耳目之外乎今御史六 臣愚謂當熟議而少寬之人主前旒嚴明鞋纊寒聰耳 代止用律令國初加以注疏情文備矣今編軟續降動 千三百七十一條而姦益不勝民無所措手足磨及五 道也昔漢高祖約法三章蕭何定律九篇而已至於文 軾又上奏曰書曰臨下以簡御衆以寛此百世不易之 一次定四草人生的-之禁稱貨權易之利皆心知其非而冒行之故解曲而 食租衣税而已是以醉正而民服自漢以來鹽鐵酒名 財也必斷之以正辭其辭正則其取之也義三代之君 曹文牘繁重窮日之力書紙尾不暇此皆苛察之過也 早盜賊四方流亡邊都不寧皆不以青宰相而尚書諸 察專務鉤考簿書責發細微自三公九鄉殺過不暇夫 不可以不變易回理財正解禁民為非曰義先王之理 詳於小以略於大其文密者其實以跟故近歲以來水 歷代名臣奏議

有九年之當西夷北邊望而不敢近矣趙充國有言湟 池之役南蠻西夏之師車服器械之資略計其费不下 五千萬緡求其所補卒亦安在若以此積糧則沿邊皆 之民者國之本而刑者民之賊與利以聚財必先煩刑 之福省費以養財者社稷之福也非人臣之利何以言 以賊民國本搖矣而言利之臣先受其賞近歲官室城 足而盜賊自止夫與利以聚財者人臣之利也非社稷 民為盜今欲嚴刑妄賞以去盜不若損利以予民衣食 钦定四軍全書 矣哉 主不察乃以社稷之深憂而循人臣之私計豈不過甚 臣欲與利而不欲省費者皆為身謀非為社稷計也 刑賊民邊都以安然為人臣之計則無功可實故凡人 中穀科八錢吾謂耀三百萬斛羌人不敢動矣不待煩 歷代名臣奏議 实

歷代名臣奏議卷三十七 卷三十七